

## Rauch mi ned o

I steh am Gipfel vom *Wendelstein*  
Die Sicht is so klar – die Luft is so rein  
Der Weg war steil – hab verlor'n Schweiß und Kraft  
Doch es hat si g'lohnt – ja, jetz hab i's gschafft

Mei Brotzeit raus und an Schluck kühles Bier  
I seh die Alpentäler vor mir  
Und i genieß des Glück intensiv  
Doch plötzlich: Zigarettenmief

**Rauch mi ned o  
I hab dir doch nix do  
Rauch mi ned o  
I hab dir doch nix do**

**Geh bittschön, Rauch dei Zigaretten  
wenn du wuist, auf der Toilett'n  
und vo mir aus a anderstwo  
Nur bitte: Rauch mi ned o**

I sitz im Biergarten mit am Freind  
An am Sommertag, und die Sonn, die scheint  
Stimmengeplätscher rundumadum  
Die *Brez'n* warm und frisch und *Steckerlfisch* am Tisch

Im Masskruag flüssiges Gold, weißer Schaum  
Im Schatten unterm Kastanienbaum  
Doch auf oamoi – i kann kaum no schaug'n  
beißt Nikotin in meine Aug'n

### Refrain

Vo mir aus darf jeder doa, was er mecht  
Hauptsach is, koam andern geht's dabei schlecht  
Sauf so vui, bis du di nimma kennst  
solangst mi ned übern Hauf'n rennst

Ziag dir, wennst wuist, dei *Grastüt'n* nei  
aber mach meine Kinder ned *high*  
Und Rauch dein *Glimmstengl* unfiltriert  
bis dir dei Lunga explodiert

**Doch bitte: Rauch mi ned o . . .**

*Smoke on the water – but don't smoke on me  
Smoke on the water – but don't smoke on me  
but don't smoke on me*